



Nuuk, 6. Januar 2016

Inatsisartut Suleriaasianni § 37 naapertorlugu Naalackersuisunut imaattumik apequteqarpunga.
(Inatsisartunut ilaasortaq Agathe Fontain, Inuit Ataqatigiit)

Apeqqutit:

1. Upernaamut Inatsisartut ataatsimiinnissaannut Naalackersuisut Meeqqanut Inuusuttuaqqanullu Inatsisissaq saqqummiunniarpaat?
2. Meeqqat ukiuannut pilersaarutit suuppat?
3. Aningaasanik immikkut qinnuteqartoqarniarpa?

Tunngavilersuut:

20. december 2013 Naalackersuisuusut tusarniutigalugu nassiuppaat meeqqanut inuusuttuaqqanullu inatsisissatut siunnersuut. 18. marts 2014 Inatsisartut siullermeerlugu oqaluuseraat. Inatsisissatut siunnersuut FN-p Meeqqat Pisinnaatitaaffii pillugit aalajangersakkat malittussaallugit. Qinersisoqarnera pissutigalugu ukiakkut aappasaaneerneqanngitsoorpoq. Ulloq mannaluk tikillugu sulit saqqummiunneqaqqinnani.

Naalackersuisut siulittaasuat ukiortaami oqalugiarnermi oqarpoq, aalajangersimalluni 2016 Meeqqat ukiorissagaat. Meeqqanut sullissineq pitsaasoq piussappat, inatsimmik tunngaveqartariaqarpoq. 18. marts 2014 Naalackersuisut saqqummiussiisutaanni, soorlu allaqqasoq:

"Meeqqanut Inuusuttuaqqanullu ikiorsiisarneq pillugu Inatsisartut Inatsisissaattut matumuuna pineqartup siunnersuutip piviusunnigortinneqarneratigut nunarput aalajangersakkap pineqartup naammassinniffigisinnanissaanut suliniuteqarnermi annertuumik aalloriaateqassaaq."

Inatsisissaq upernaamut saqqummiunneqarpat naatsorsuutigissaarput inatsit nutaaq malillugu sulineq meeqqat ukiuannut qaammatini ikittuinnarni ingerlanneqarsinnaasoq.

Ullut suliffiusut qulit qaangiutsinnagit akissutissarsisimanissaq qinnutigissavara.